

爾

雅

正

義

爾雅正義卷第二

齊淵明校理爾雅疏編修加二級教習庶吉士充國史館纂修官邵晉涵撰集

苞

無葉也

苞最繁蕪皆豐盛

**正義**序卦傳云豐者大也方言云凡物之

大雅曰豐庶雅云豐大也苞者說文引書云艸木蘗苞今本頁作草木漸包釋文云包字或作苞商頌

長發云苞有三葉毛傳苞木也鄭箋用爾雅大雅生民鄭箋云豐苞亦茂也是物之穰因而發生茂盛者

爲苞也蕪者說文云穰豐也从大冊數之積也林者木之多也冊與庶同意商書曰庶艸繁無今本洪範

作庶草蕃廡晉語云不能蕃廡蕪爲隸體增加字廡爲假借字也茂者說文云茂艸豐盛周頌良耜云黍

稷茂止小雅天保云如松柏之茂是艸木之豐盛皆爲茂也

**註**苞叢至豐盛。**正義**釋言云苞穰也孫炎以爲物叢生日苞是苞爲叢茂也後漢書註引爾雅云蕃蕪豐也蓋連引註文凡物之苞叢繁蕪者望之

豐滿故其  
貌爲大也

摯斂屈收戢蒐哀鳩摟聚也

**註**

禮記曰秋之言摯摯斂

也春獵爲蒐蒐者以其聚人衆也詩曰屈此羣醜原

隰哀矣左傳曰以鳩其民摟猶今言拘摟聚也

**正義**

云衆會也方言云萃集也東齊曰聚是聚爲萃集也  
摯者說文引詩云百祿是摯毛詩商頌長發篇作百  
祿是適傳云適聚也釋文云摯郭音適摯適音義同  
方言云凡斂物而細謂之摯是摯爲聚之多也斂者  
說文云斂收也大雅蕩篇斂怨以爲德言其聚衆怨  
也荀子非十二子云斂然聖王之文章其焉揚倅註  
斂然聚集之貌屈者釋文引韓詩云屈收也收斂得  
此衆聚是屈與收斂義同故爲聚也收者周頌維天  
之命云我其收之毛傳用爾雅左氏襄四年傳云收  
二國之墟凡經傳言收斂者皆爲聚合也戢者周頌

時邁云載戢干戈通作輯舜典云輯五瑞史記作揖  
五瑞集解引馬融云掛飲也蒐者成十六年傳云蒐  
乘補卒襄二十四年傳云齊社蒐軍實言聚而闕之  
也哀者商頌殷武云哀荆之旅是聚之多者爲哀釋  
文云哀古字作衰本或作揆案孟氏易君子以揆多  
益寡今本謙卦象傳作哀多益寡侯果云哀聚也哀  
揆聲之轉也鳩者說文作狗聚也通作鳩堯典云共  
工方鳩倂功史記作旁聚布功又通作逮說文引書  
作旁逮倂功云逮飲聚也樓者說文云樓曳聚也本  
或作婁小雅角弓云式居婁騎鄭箋婁飲也疏引釋  
詁云婁飲聚也詩釋文引徐邈云婁音樓爾雅釋  
文云本或作樓非禮記至飲也。正義鄉飲酒義  
云秋之爲言愁也鄭註愁讀爲孳孳飲也郭氏依鄭  
讀兼取鄭義也。春獵至衆也。春獵爲蒐釋天文  
公羊昭八年傳云蒐者何簡車徒也何休註徒衆也  
是蒐者以聚徒衆也。詩曰至其民。屈此羣醜魯  
頌泮水文原隰哀矣小雅常棣文毛傳俱用爾雅以  
鳩其民左氏隱八年傳文又昭十七年傳云五鳩鳩

民者也。○樓猶至聚也。○劉熙孟子註云樓牽也。故樓爲拘樓郭氏引時俗語爲證也。

肅齊遄速亟屢數迅疾也。註詩曰仲山甫徂齊畫駿肅

亟遄速也。註詩曰不害故也駿猶迅速亦疾也。

正義釋名

云疾截也有所越截也速訓爲疾肅亟遄又訓爲速義相貫通也。○肅齊至疾也。○肅者禮運云刑肅而俗敝鄭註肅駿也周語云俾莫不任肅純恪韋昭註肅速也淮南本經訓云寬而不肆肅而不悖高誘註肅急也皆與疾之義相成也召南小星云肅肅宵征毛傳肅肅疾貌是重言之亦爲疾也齊者大戴禮記五帝德云幼而慧齊史記作幼而徇齊集解云齊速也言聖德幼而疾速也離騷云反信讒而齊怒王逸註齊疾也荀子君道篇齊給便捷而不惑尚書大傳云多聞而齊給鄭註齊疾也遄者說文云遄徃來數也易曰日昃事遄徃說文所引損卦初九爻辭也大雅崧高云式遄其行是遄爲行之速也速者考工記云

不微至無以爲戚速也鄭註速疾也書或作數祭義云故聽且速也速通作邀呂氏春秋辨土篇莖生有行故邀長弱不相害故邀大高誘註邀疾也亟者說文云亟敬疾也大雅靈臺云經始勿亟少儀云小飯而亟之淮南主術訓雖馳傳駑置不若是其亟亟又通作極說文云極疾也亟又去史切少儀云亟見曰朝夕鄭註亟數也屢當作婁釋言云婁亟也樂記云臨事而屢斷其義相成也數者祭義云其行也趨趨以數鄭註數之言速也迅者釋獸於貍貍狒狒皆云迅走是迅爲走之疾也○霍駿至速也○霍者說文云霍居之速也詩疏引舍人云霍意之速霍通作簪豫九曰云朋盍簪釋文引子夏傳云疾也鄭康成云速也霍音聲之轉也駿者周頌噫嘻云駿發爾私弟子職云若有賓客弟子駿作皆言速也駿又通作遠舊疏引禮記大傳云遠奔走鄭註遠疾也疾奔走言勤事也肅亟邁又爲速轉相訓也釋文云亟又作急釋名云急及也操切之使相逮及也急亦作棘詳見釋言註詩曰至徂齊○**正義**大雅蒸民文毛傳以爲

東方齊也。謂往治齊之城郭也。漢書杜欽傳引韓詩傳云：仲山甫異姓之臣，就封于齊郭。氏引詩之意，則以爲仲山甫往行之疾也。或本齊魯詩，傳未聞其審。○詩曰：至疾也。○正義：詩鄭風遵大路，文駿猶迅者。說文云：駿，馬之良材者，迅疾也。从辵，夨聲。駿，馬善疾走，假借以爲駿奔走，猶迅爲疾走，假借以爲迅。雷風烈也，速亦疾者。通上下文之義。

窟院阮膝微隍瘵虛也。註窟谿窟也。阮阮謂阮壘也。隍

城池無水者。方言云：瘵之言空也。皆謂耳。膝微

未詳

**正義**

玉篇云：虛，空也。謂大而空虛也。窟者大雅

谷郊特牲云：水歸其窟。鄭註：窟猶阮也。說文作窾云：溝也。阮阮者，後漢書註引倉頡篇云：阮窟也。莊子天運篇在坑滿坑，膝者，城上六象傳云：膝，日說也。孔疏云：所說者，日無復心實也。微者，鄭氏易損卦云：君子

微忿憤欲註云微清也言清虛也隍者泰上六云城復于隍釋言云隍經也舍人李巡註俱詳見釋言濂者說文云濂水虛也諡法解云濂虛也濂通作康小雅賓之初筵云酌彼康爵鄭箋康虛也穀梁襄二十四年傳云四穀不升謂之康范甯註以爲虛也釋文引郭氏音義云康本或作荒荒亦正墟之空無案大雅召旻云我居圉卒荒鄭箋荒虛也孔疏引某氏曰周禮云野荒民散則削之唯某氏之本有荒字耳其諸家爾雅則無之。註經谿至墟耳。正義傳記以大經爲歸墟故以經爲谿谿也坑坑重文總言坑塹者玉篇引左氏傳註溝塹也字書云城隍也隍城池無水者虞翻易註云城下溝無水稱隍有水稱池是也方言云窳空也郭氏彼註云窳窳空貌窳或作窳虛也案窳通作濂說文云窳屋窳窳也窳饑虛也皆與濂義同郭云皆謂正墟者說文云虛大正也徐鉉云今俗作墟非是

黎庶烝多醜師旅衆也註皆見詩洋觀哀衆那多也註



詩曰薄言觀者又曰受福不那洋溢亦多貌

**正義**說文云衆

多也多重也从重夕夕者相釋也故爲多齊謂多爲  
衆是衆與多其義同也。黎庶至衆也。黎者堯典  
云黎民於變時雍庶者說文云庶屋下衆也堯典云  
庶績咸熙史記作衆功皆興烝者益稷云烝民乃粒  
多者少牢饋食禮云承致多福無疆醜者曲禮云在  
醜夷不爭師者說文云師二千五百人爲師从巾从  
自自四巾衆意也堯典師錫帝曰史記作衆皆言於  
帝易象傳云師衆也旅者士冠禮云東面旅占天官  
旅下士鄭註云旅衆也下士治衆事者是皆言衆多  
也。洋觀至多也。匡繆正俗云山東俗謂衆爲洋  
是洋爲方俗語也魯頌閟宮云萬舞洋洋論語云洋  
洋乎盈耳或重言之亦爲多也周頌臣工云奄觀銍  
艾大雅文王有聲云適觀厥成鄭箋觀多也哀者上  
文云黎也又訓爲多義相成也衆多互相訓也商頌  
云猗與那與毛傳那多也**註**皆見詩。正義大雅桑  
柔云民靡有黎小雅小明云我事孔庶周頌思文云

立我烝民商頌殷武云天命多辟大雅絲云戎醜攸  
行板云曾莫惠我師小雅采芑云振旅闔闐俱訓爲  
衆義之常行者耳。詩曰至不那。○**正義**  
薄言觀者小雅采芑文受福不那桑扈文

**流差束擇也**

**註**皆選擇見詩

**正義**

說文云擇束選也流者釋言云流求也以聲爲

義求又轉訓爲擇也差者既夕禮記夏祝沂米差盛  
之鄭註差擇之也束者荀子修身篇束理也揚倅註  
束與簡同文選註引爾雅作簡擇也夏官趣馬云簡  
其六節鄭註簡差也王制云簡不肖以緇惡**註**見詩  
○**正義**周南關雎云左右流之小雅  
吉日云既差我馬邶風云簡兮簡兮

**戰慄震驚慙竦恐懼懼也**

**註**

詩曰不慙不竦懼懼也

**正義**說文云懼恐也恐懼也互相訓也戰者懼容也  
論語云使民戰栗史記齊悼惠世家云股戰而栗言  
其懼甚也小雅小旻云戰戰兢兢毛傳戰戰恐也是  
重言之亦爲懼也方言云蛩供戰慄也荆吳曰蛩供

蚩怙又恐也說文云怙戰慄也廣雅云蚩怙懼也是  
戰慄二字連文爲懼也秦風黃鳥云惴惴其慄莊子  
人間世云吾甚慄之大宗師云登高不慄天運云操  
之則慄是慄爲懼也震卦彖辭云震驚百里大雅江  
漢云徐方震驚震驚二字經傳多連言之晉語云四  
鄰莫不震動韋昭註震懼也方言云懼驚也是驚懼  
互相訓也慄者說文云敬也過敬則心懼也竦者說  
文作慄懼也春秋傳曰駟氏馭案左氏昭十九年傳  
作駟氏聳杜註聳懼也又昭六年傳云聳之以威漢  
書刑法志引作悚之以威方言云聳悚也周語云身  
聳除潔韋註聳懼也楚語云能聳其德韋註聳敬也  
以聳爲敬猶以慄爲敬皆言敬而懼也竦慄聳悚古  
字通用恐訓爲懼義之通行者耳惴者說文云惴懼  
也廣雅云惴周頌時邁云莫不震恐毛傳惴懼也疊惴  
音義同莊子釋文引爾雅云怖懼也今無此文註詩  
曰至惴也。**正義**不慄不竦商頌長發文毛傳慄恐  
竦懼也惴即惴者說文云惴  
夫氣也出虛云則志不懼

痛瘡虺積兮黃劬勞咎頽瘡痲癩戮痕癘瘰疔疥痲痲

逐疾瘵瘵痲瘰癧瘵瘵瘵病也

**註**

虺積兮黃皆人病之

通名而說者便謂之馬病失其義也詩曰生我劬勞

書曰智臧瘵在相戮辱亦可恥病也今江東呼病曰

瘵東齊曰瘵禮記曰親瘵色容不盛戮逐未詳餘皆

見詩

**正義**

說文云病疾加也釋名云疾病者容氣中

病之異名也。痛瘡至劬勞。瘵者漢書註引韓詩

云熏膏以痛瘡病也通作鋪大雅江漢云淮夷來鋪

毛傳鋪病也瘵者陶風鷓鴣云于口卒瘵毛傳以爲

口病也釋文云瘵木又作屠虺積者周南作虺積詩

釋文云虺說文作瘵積說文作積爾雅釋文有瘵字

引字林云病也又云今經註無此字案爾雅舊本必

有作瘵者或作虺類陸氏既定從虺字復別見瘵字於後蓋於虺卽爲瘵偶有不檢遂以爲經註無此字也說文以瘵爲禿貌釋名以瘵爲氣下墮皆病之狀也元黃者毛傳云元馬病則黃郭氏以爲人病之通名也劬勞者小雅鴻雁云劬勞于野毛傳劬勞疾苦也。瘵頽至瘵瘵。瘵者說文云瘵災也釋言云因瘵也鹽鐵論云猶食毒肉愉飽而罷其瘵也頽者釋文云字或作悴說文云悴憂也通作瘵文選註引倉頡篇云瘵憂也小雅北山云或盡瘵事國鄭箋以爲盡力勞病也瘵者釋文云字亦作瘵樂記云徵亂則哀其事勤是瘵爲勞劇之病也瘵者龍龕手鑑引爾雅舊註云瘵勞病也小雅鼓鐘云其德不猶鄭箋云猶當作瘵瘵病也釋名云愁悒不寐日恒瘵然也戮以耻辱爲病鄭註秋官掌戮云戮猶辱也左氏文十年傳云國君不可戮也瘵者釋文引孫炎云畏之病也通作鼠小雅雨無正云鼠思泣血鄭箋鼠憂也瘵者釋文引郭氏音義以爲拘擊之病也。瘵瘵至瘵瘵。瘵者大雅雲漢云如何里鄭箋云

里憂也詩釋文云本亦作痺爾雅作悝案下文云悝  
憂也義相成也說文云悝悝也一曰病也痒者說文  
云痒瘍也釋文引舍人云瘋癘痺痒皆心憂憊之病  
也瘋者說文徐鍇本以爲病不翅也釋文引孫炎云  
滯之病也字書云疲病也通作祗小雅何人斯云俾  
我祗也毛傳祗病也瘋者大誥云知我國有疵疏引  
鄭註云知我國有疵病之取禮運云是謂瘋國通作  
訾檀弓云亦非禮之訾也閔者儒行云不閔有司鄭  
註閔病也遂者舊疏引衛風考槃云碩人之軸鄭箋  
云軸病也孔疏云軸與遂蓋古今字異疾者說文作  
次云貧病也詩曰癸癸在次今周頌閔予小子篇作  
癸癸在次左氏昭二十年傳云不爲利疾於回是疾  
爲貧病也瘵者鄭箋以爲困病也○瘵瘵至瘵瘵○  
瘵者左氏昭十九年傳云札瘵天昏孔疏引賈逵云  
小疾曰瘵瘵者說文云非風病也通作腓小雅四月  
云百卉具腓毛傳腓病也釋文引韓詩云腓變也玉  
篇引詩作百卉具非瘵者釋文引孫炎云疾病案緇  
衣云章善瘵惡鄭註瘵病也是瘵惡猶云疾惡也瘵

通作痺左氏襄十九年傳云苟偃痺疽說文云痺勞病也療者楚策引詩云無自療也今小雅菀柳篇作無自療焉瘠者小雅四月云亂離瘠矣鄭箋云今政亂將有憂病者矣瘠者方言云江湖間凡物生而不長曰瘠註瘠隕至義也。正義周南卷耳云我僕痲矣又云我馬瘠矣我馬瘠隕我馬元黃疏引孫炎云痲人疲不能行之病瘠馬疲不能進之病瘠隕馬罷不能升高之病元黃馬更黃色之病郭氏以爲皆人病之通名不從孫義者以毛傳於痲瘠瘠隕俱從爾雅釋爲病不以瘠瘠隕爲馬病說文云痲病也瘠病也亦從爾雅劉向九歎云躬劬勞而瘠悴王逸註瘠亦病也是劉向王逸俱不以瘠爲馬病瘠隕元黃亦猶是矣。詩曰至未詳。生我劬勞小雅蓼莪文知藏瘵在周書召誥文相戮辱亦可耻病者左氏襄三年傳云楊干爲戮何辱如之江東呼病曰瘵者木元虛海賦云爲痲爲瘵瘵其通語也東齊曰瘵者方言云瘵病也東齊海岱之間曰瘵禮曰親拊色容不盛者玉藻文戮遂未詳戮字蓋衍文。餘皆見詩。大

雅瞻卬云邦國殄瘁小雅角弓云交相爲瘡小雅正月云痲憂以痒大雅桑柔云稼穡卒瘁小雅白華云俾我疾兮爾風鳴鴉云鬻子之閔斯大雅召旻云維今之疚不如茲郡風伯兮云使我心痲太雅板云下民卒瘁緇衣引作卒瘁瞻卬云士民其瘵桑柔云瘵此下民

恙寫惺盱繇慘恤罹憂也註今人云無恙謂無憂也寫

有憂者思散寫也詩曰悠悠我惺云何盱矣繇役亦

爲憂愁也

正義說文云憂愁也今經傳通作憂恙者呂氏春秋異用篇孔子之弟子從遠方來

考孔子荷杖而問之曰子之公不有恙乎擗杖而揖之問曰子之父母不有恙乎置杖而問曰子之兄弟不有恙乎棧步而倍之問曰子之妻子不有恙乎賈誼書容經篇孔子問子貢曰子之兄弟亦得無恙乎鄭註司儀云問君曰君不恙乎問大夫曰二三子不恙乎說文云恙憂也是本爾雅爲恙也寫者方言云



凡言相憐愛謂之贖或謂之無寫無寫猶言無恙也  
惺惺通用已見上文又通作慈說文云楚頽之間謂  
憂曰慈盱者豫六三云盱豫王弼註睢盱而豫悔亦  
至焉說文作忤憂也繇者廣韻引詩云我歌且繇慘  
當作慄說文云愁不安也詳見釋訓恤者衆經音義  
引孫炎云恤救之憂也大宗伯云以恤禮哀寇亂鄭  
註恤憂也盤庚云永敬大恤邶風谷風云皇恤我後  
說文作卹憂也罹當作離小雅四月云亂離瘼矣毛  
傳離憂也隸體作罹小弁云我獨于罹詩釋文云罹  
本作離釋今人至愁也。正義郭云無恙謂無憂者  
匡繆正俗云風俗通義釋無恙云上古之時草居露  
宿恙孽人蟲也善食人心人恒若患之凡相問曰無  
恙乎非謂疾也按爾雅云恙憂心也楚辭九辨云還  
及君之無恙此言及君之無憂豈謂不被蟲噬乎漢  
元帝詔貢禹曰今生有疾何恙不已乃上疏乞骸骨  
此言病何憂不差而乞骸骨豈又被蟲食心耶凡言  
無恙謂無憂耳安得食人之蟲摠名恙乎今案顏師  
古之辨篤矣應劭本於易緯據許氏說文當作無它

非雅義也。顏引爾雅作憂心也。蓋連引舊註之文耳。郭云思故寫者舊疏引小雅車牽云我心寫矣。郭引詩云悠悠我懼者小雅十月文。今本作我里毛傳云悠悠憂也。是音義相通也。云何肝矣。周南卷耳及小雅都人士文。絲役亦爲憂。愁者郭以義推言之。高誘淮南註云。繇役也。監本亦作以。今從宋本。

偷勤叩敕勤愉庸瘁勞也

**註**

詩曰莫知我勤維王之叩

哀我瘁人國語曰無功庸者偷理事務以相約敕亦

爲勞勞苦者多惰愉今字或作窳同勞來強事謂窳

讐勤也

**註**

詩曰職勞不來自勉強者亦勤力者由事

事故爲勤也詩曰迨其謂之翦讐未詳

**正義**

勞訓爲

轉相訓也。偷勤至勞也。說文云勞劇也用力者勞偷者鄭註學記云偷理也易釋文引鄭註噬嗑云

勅猶理也是倫與敕義同勸本又作肄邶風谷風云  
既詒我肄毛傳肄勞也疏引孫炎云習事之勞也邛  
者小雅小旻云亦孔之邛毛傳邛病也勞苦爲病義  
相成也敕者說文云勅勞也从力來聲故下文云來  
勤也今經傳通作勅徐廣史記註云勸古勅字天官  
冢宰云百工飭化八材賈疏云飭勤也勤力以化八  
材勸通作飭飭訓爲勤勤卽勞也勤者周頌賚云文  
王既勤止左氏昭十三年傳請君無勤玉藻云勤者  
有事則收之鄭註謂執勞辱之事也淮南汜論訓云  
肩負僮之勤也偷通作窳尚子壑草篇窳惰之民勉  
疾又云惰民不窳庸者大雅嵩高云以作爾庸鄭箋  
庸功也夏官司勲云民功曰庸庸者鄭註士冠禮云  
古文宜爲癉又通作單周頌昊天有成命云單厥心  
是也○勞來至勤也○勞又訓爲勤者衆經音義引  
健爲舍人云勞力極也夏官司弓矢云使者勞者鄭  
註云勞者勤勞之事備行云先勞而後祿鄭註勞猶  
事也來者大雅文王有聲云適追來孝強者孟子云  
強爲善而已矣事者淮南傲真訓云事其神而競其

精修務訓云事而身弗伐事猶勞也衆經音義引舍人云來強事也疑強事二字木係舍人之註傳寫者漏入正文也謂者小雅隰桑云遐不謂矣剪當作踐鄭註玉藻云踐當爲翦書疏引鄭註書序云踐讀曰翦史記集解引服虔云踐翦也是踐翦古通用左氏文元年傳云踐修舊好士相見禮云不足以踐禮皆言勤也等當作宵泰初六云以其彙釋文云古文彙作宵鄭註云勤也註詩曰至庸者。正義莫知我勤小雅雨無正文左氏昭十三年傳引作莫知我肄是肄與勤通維王之邛者小雅巧言文哀我痺人大東文毛詩作憚人又小明云憚我不服憚通作痺音義同國語曰無功庸者晉語公族穆子之辭。詩曰至謂之。正義職勞不來者大東文毛傳來勤也孔疏云以不被勞來爲不見勤故采薇詩序曰秋杜以勤歸卽是勞來也迨其謂之者召南標有梅文

悠傷憂思也註皆感思也懷惟慮願念怒思也註詩曰

怒如調飢

**正義**釋名云思司也凡有所司捕必靜思也。悠者上文云悠遠也是悠爲思之遠也。周南關

雎云悠哉悠哉傷者說文作傷憂也卷耳云維以不永傷是憂傷之思也。憂訓爲思通見經傳郭以爲皆感恩所以別於念慮之思也。懷惟至思也。方言云懷怒惟慮願念思也。惟凡思也。慮謀思也。願欲思也。念常思也。凡思之貌或曰怒按諡法解云懷思也。與釋詁同上。文已云惟慮謀也。又訓爲思。增成其義也。願者鄭風蔓草云適我願兮。左氏襄三十年傳云不寔而願。大念者釋名云念黏也。意相親愛心粘著不能忘也。秦風小戎云言念君子怒者小雅小弁云怒焉如擣疏。引舍人云怒志而不得之思也。**註**詩曰至調飢。**正義**周南汝墳文釋文引韓詩怒作協。方言言云懈憂也。自關而西秦晉之間或曰怒說文云懈憂貌。讀與怒同。

祿社履戩祓禱祜福也

**註**

詩曰福履綏之俾爾戩穀

祓祿康矣禋禱書傳不見其義未詳

**正義**禮記祭統云福者備也釋

名云福富也其中多品如富者也祿者少牢饋食禮

云使女受祿于天鄭註云古文祿爲福祿者周頌雝

云介以繁祉履者釋言云履祿也履禮也是履祿義

同又訓爲禮者荀子大畧篇禮者人之所履也說文

云禮履也所以事神致福也是訓爲禮亦言受福也

哉者方言云福祿謂之祓哉祓者大雅生民云以弗

無于鄭箋弗之言祓也疏引孫炎云祓除之福春官

女巫云祓除釁浴說文以祓爲除惡之祭言去惡以

致福也禱通作釁說文云釁家福也漢書孝文紀云

祠官祝釁如淳曰釁禱也賈誼傳受釁坐宣室是也

顏師古云釁木字作禱禱者說文云禱福也義本爾

雅張衡東京賦云祈禱禳災思元賦云蒙龐禱以拯

民據爾雅爲義也祐者賈誼書禮篇云祐大福也商

頌烈祖云有秩斯祐士冠禮云承天之祐**註**詩曰至

不見○**正義**福履綏之周南樛木文俾爾戩穀小雅

天保文祓祿康矣大雅卷阿文毛詩作弗祿爾康矣

監本作書傳少  
見今從宋本

禮祀祠蒸嘗禴祭也註書曰禮于六宗餘者皆以爲四

時祭名也

正義祭統云祭者所以追養繼孝也此斯其名也禮者說文云禋潔祀也周語云精

意以享禮也章昭註禮敬也書疏引孫炎云禋絜敬之祭也下文云禮敬也其義相承也祀者說文云祀

祭無已也衆經音義引舍人云祀地祭也按春官大宗伯云以禋祀祀昊天上帝則祀不專屬祭地而言

郭氏所不取也祠蒸嘗禴者大宗伯云以祠春享先王以禴夏享先王以嘗秋享先王以烝冬享先王是

四時之祭名也詳見釋天註書曰至六宗。正義舜典文尚書大傳作灋于六宗鄭註灋祭也字當爲禋

儼恪祗翼謹恭欽寅燠敬也註儼然敬貌書曰夙夜惟

寅詩曰我孔熯矣謹未詳

正義說文云敬肅也釋名云敬警也恒白肅敬也儼

者陳風澤陂云碩大且儼毛傳儼矜莊貌儼道作嚴  
荀子儒效篇嚴嚴乎其能敬已也楊倞註嚴或爲儼  
是也格者說文作憲云敬也徐鉉云今俗作恪高頌  
那云執事有恪祇者高頌長發云上帝是祇全滕云  
罔不祇畏史記作罔不敬畏翼者大誥云厥考翼大  
雅卷阿云以引以翼謹者大雅生民云克禋克祀毛  
傳禮敬也左氏桓六年傳云以致其禮祀杜註禋絜  
敬也禮謹古字通恭者說文云恭肅也商頌那云溫  
恭朝夕欽者堯典云欽若昊天史記作敬順吳天書  
釋文引馬融云威儀表備謂之欽鄭康成云敬事節  
用謂之欽皆就書文而推演其義耳內則云欽有帥  
是欽卽敬也寅者堯典云寅賓出口史記作敬道曰  
出逸周書祭公解云我不則寅哉寅哉寅通作寅說  
文云寅敬也易曰夕惕若寅漢書叙傳云寅亮天  
功鄧展註云寅敬也煇者徐鍇以爲煇當作懸說文  
云懸敬也註儼然至煇矣。正義儼然敬貌者曲禮  
云儼若思論語云儼然人望而畏之釋名云嚴儼也  
儼然人憚之也夙夜惟寅舜典文史記作夙夜惟敬



我孔熯矣小雅楚  
茨文毛傳用爾雅

朝旦夙晨駿早也

**註**

駿亦明也

**正義**

說文云早晨也从  
日在甲上古文甲始於

一見於十成於木之象朝者說文云鞠旦也从軌舟  
聲舊疏引鄘風蠨蛸云崇朝其雨毛傳云從旦至食  
時爲終朝孔疏云左傳子文治兵終朝而畢子玉終  
日而畢是終朝非竟日也旦者說文云旦明也从日  
見一上一地也邶風匏有苦葉云旭日始旦毛傳旭  
日始出謂大昕之時夙者說文作夙云早敬也从夙  
持事雖夕不休早敬者也大雅生民云載震載夙十  
冠禮云夙興設洗賈誼書禮容語云夙早也晨者說  
文作晨云晨早昧爽也从白从辰辰時也辰亦聲五  
夕爲夙白辰爲晨皆同意小雅庭燎云夜鄉晨毛傳  
晨明也秋官司籍氏云禦晨行者鄭註  
晨先明也駿者大明也與旦晨之義同

頤竦晉戾底止徯待也

**註**

書曰徯我后今河北人語亦

然晉戾底者皆止也止亦相待

**正義**說文云待俟也

損者出告須鄭註須亦待也上昏禮記云某敢不敬

須左氏成十二年傳云寡君須矣雜記云孤某須矣

俟通作俛士昏禮云俛于門外鄉射禮云負俛而俛

祭義云八十不俛朝穀梁莊八年傳云俛待也晉戾

底俱訓爲止詳見下俛者益稷云惟動不應俛志

書曰至相待。**正義**孟子引書曰後我后趙岐註後

待也東晉所上古文在太甲篇說文繫傳引

作俛予后監本作止亦相待也宋本無也字

嗃幾裁殆危也

**註**

幾猶殆也嗃裁未詳

**正義**說文云危

名云危阨也阨既不固之言也嗃者說文云嗃危也

龍龕手鑑引舊註云嗃事之危也幾者說文云幾殆

也从絲从戌戌兵守也絲而兵守者危也大雅瞻印

云維其幾矣左氏宣十二年傳云利人之幾荀子舜

問篇汝其以魯國驕人幾矣裁者逸周書芮良夫解

云爾乃曠亂翫裁祭義云裁及其親猶孟子云以危

父母也。殆者小雅節南山云無小人殆。祭義云不敢以先父母之遺體行殆。

**踐沆也**

**註**謂相摩近

**正義**說文云踐蹙也。訖事之樂也。玉篇引埤蒼云蹙蹙也。轉相訓也。

蹙通作幾。井卦象詞云沆至亦未繙。井孔疏沆幾也。幾近也。大雅民勞云沆可小康。鄭箋沆幾也。**註**謂相摩近也。**正義**釋文云蹙郭音剗。說文云剗摩也。詩疏引係炎云沆近也。故以爲相摩近也。左氏襄二十八年傳云楚不幾十年以幾爲近也。又昭十年傳引詩沆可小康。杜註沆期也。期幾以聲近爲義耳。詩疏引史記周呂傳臣期知其不可以證成杜義非雅訓也。

**治肆古故也**

**註**

治未詳肆古見詩書肆故今也

**註**

肆旣

爲故又爲今今亦爲故故亦爲今此義相反而兼通者事例在下而皆見詩也。**正義**此以故與今反覆相訓也。治肆古故也。治常爲

始益稷云在治忽史記作來始滑漢書律歷志引作  
七始誅是治始二字相涵也墨子經篇云始當時也  
是始卽故也肆爲發端之詞故爲申釋之詞其義相  
通古故以聲爲義也。肆故今也。說文云今是時  
也肆故爲當時反覆相訓也。註肆古見詩書。正義  
梓材云肆徂厥敬勞盤庚云古我先王皆言故也周  
頌昊天有成命云肆其靖之毛傳肆固也鄭箋固當  
爲故字之誤也。邶風日月云逝不古處毛傳古故也  
。此義至見詩。正義郭以爲義有反覆旁通詳見  
祖在存也之註云見詩者大雅緜云肆不殄厥愠毛  
傳肆故今也抑云肆皇天弗尚鄭箋肆故今也  
俱以故今二字連文郭云皆見詩與毛鄭微異

惇亶祐篤擊仍毗埤笠腹厚也。註頻仍埤益毗輔皆重

厚擊然厚貌條皆見詩書。正義釋名云厚後也有終

也惇者內則云皆有惇史惇通作敦樂記云若夫敦  
樂而無憂鄭註敦厚也亶者周語云亶厚也按上文

云亶信也誠也又云祐福也俱又訓爲厚增成其義也篤者公羊宣十二年傳云君子篤於禮而薄於利上文云篤擊固也擊又訓厚義相承也仍者明堂位云爵用玉琖仍雕下文云仍因也因而重之以爲厚也臍者說文云臍牛百葉也臍或作臍釋文云本或作脾釋名云脾禪也脾者說文云脾增也是臍與脾俱以增益爲厚也笠與篤通楚詞天問云帝何笠之腹者月令云水澤腹堅呂氏春秋作水澤復堅高誘註復或作複釋名云腹復也是腹有重複之義故訓爲厚說文亦云腹厚也註頻仍至詩書○正義頻仍埤益臍輔皆重厚者廣雅云仍再也邶風北門云政事一埤益我小雅節南山云天子是臍采菽云福祿臍之釋文引韓詩云臍厚也是皆以重爲厚也擊然厚貌者上文擊固也郭氏註云擊然亦牢固之意是以固爲原也餘皆見詩書者舜典云惇德允元史記作厚德允元左傳疏引樊光註引詩云達天亶怒大雅桑柔毛傳云亶厚也孔疏云亶聲近義亦同疏又引某氏註云詩云亶爾亶厚小雅天保文也盤庚

云朕及篤敬周頌維天之命云會  
孫篤之小雅蓼莪云出入腹我

載謨食詐僞也

**註**

載者言而不信謨者謀而不忠書曰

朕不食言

**正義**

古者爲僞二字通川堯典云平秩南

商僞月令云毋或作爲淫巧鄭註云今月令作爲作  
詐僞蓋因有所作爲遂生詐僞其聲相近其義相通  
後世字別爲義則載謨訓作爲之爲食詐爲虛僞之  
僞也載者阜附謨云載采采大宗伯云則攝而載果  
鄭註載爲也謨者上文云謀謀也逸周書祭公解云  
無以小謀敗大作是謀卽爲作作者爲也食者書疏  
引孫炎云食言之僞也左氏僖二十八年傳云背惠  
食言成十六年傳云潰齊盟而食話言又云臨事而  
食言襄二十七年傳云食言者不病哀二十五年傳  
云是食言多矣杜註言而不行如食之消盡後終不  
行前言爲僞也詐者方言云誦詐也自關而東西或  
日誦詐通語也**註**載者至食言。**正義**郭以載謨爲

反訓近時學者多不從之然古人之訓實有反覆相通者如此篇上云允誠也而下云允佞也展信也而周語云展而不信誕者妄也而廣雅云誕信也合諸以徂爲存以治爲亂則知古訓流傳郭註未可遽非矣朕不食言湯誓文

話猷載行訛言也

**註**

詩曰慎爾出話猷者道道亦言也

周禮曰作盟詛之載今江東通謂語爲行世以妖言

爲訛

**正義**

呂氏春秋離謂篇云言者以喻意也下篇釋言以言爲字此所釋者人所言也詭者盤庚

云乃詭民之弗率書疏引舍人云詭政之善言也孫炎云善人之言也說文作詭云合會善言也傳曰告之詭言案左氏文六年傳作著之詭言猷者坊記引君陳云女有嘉謨嘉猷載者左傳引逸詩云無載爾僞行者舜典云朕聖說殄行史記作朕畏忌說殄僞行訓爲言故龍作納言訛者小雅正月云民之

訛言鄭箋訛僞也是訛與行義同皆爲言也**註**詩曰

三爲訛**正義**慎爾出語大雅抑文毛傳話善言也

猷者道也亦言者下文云猷道也鄭註禮記云道言

也周禮云作盟詛之載者春官詛祝云作盟詛之載

辭鄭註載辭爲辭而載之於策秋官司盟云掌其盟

約之載鄭註載盟辭也左氏襄九年傳云晉士莊子

爲載書哀八年傳云景伯負載是也郭云江東通謂

詭爲行者據時諺也以妖言爲訛言今俗語猶然

**遘逢遇也****註**謂相遘遇遘逢遇遘也**註**轉復爲相觸遘

**遘逢遇遘見也****註**行而相值卽見

**正義**此以遇遘見  
輾轉相訓也。遘

逢遇也。說文云遇逢也釋言云遇偶也穀梁傳所

云不期而會者也遘者鄭氏易姤作遘序卦傳云遘

者遇也鄭風野有蔓草云邂逅相遇釋文云逅本亦

作遘毛傳云邂逅不期而會是遘爲遇也逢者左氏

宣三年傳云莫能逢之杜註逢遇也。遘逢遇遘也

。說文云遘相遇驚也龍龕手鑑引爾雅舊註云心



不欲見而見曰逕。逕逢遇又爲逕者。金藤云：逕厲虐疾，擗風柏舟云：逢彼之怒。王風中谷有雅云：遇人之不淑矣。○逕逢遇，逕見也。○四者又俱訓爲見也。逕通作覲，幽風伐柯云：我覲之子。毛傳：覲見也。說文云：覲，遇見也。逢者，王風免爰云：逢此百罹。遇者，檀弓云：遇負杖入保者息。鄭註：遇見也。逕者，楚詞懷沙云：重華不可逕兮。王逸註：逕逢也。逕通作寤，漢書鄧展註：寤逢遇也。又通作迕，楊倞荀子註云：迕遇也。故釋言又云：迕寤也。詳見釋言。○行而至卽見。○正義監本作行而相值卽是見。宋本無是字，今從宋本。

顯昭覲釗覲見也

**註**

顯昭明見也。逸書曰：釗我周王監

瞻臨泣覲相視也

**註**

皆謂察視也

**正義**

說文云：見視也。視瞻也。此分釋

其義也。○顯昭至見也。上文云：顯昭光也。又訓爲見義，相成也。說文云：顯，頭明佈也。昭，日明也。以其光明，故轉訓爲著見也。覲者，舜典云：日覲四岳羣牧。史記作日見。四嶽諸牧儀禮有覲禮。鄭目錄云：秋見日

觀曲禮云天子當依而立諸侯北面而見天子曰覲  
大雅韓奕云韓侯入覲此言四時之朝覲也古者貴  
賤不嫌同稱故左氏昭十六年傳云宣子私覲於子  
產是覲卽見也劉與昭聲近義同故爲見也覲者聘  
禮云賓覲記又云私覲偷焉荀子大器篇私覲私  
見也殺梁莊二十四年傳云覲見也此言聘問之禮  
也易田卦云三歲不覲淮南主術訓云使史墨往覲  
焉是覲卽見也。監贈至視也。監者說文云監臨  
下也周頌敬之云日監在茲魯語云使長監于世章  
昭註監觀也說文作監視也贈者說文云贈臨視也  
魯頌閟宮云魯邦所詹風俗通義引作魯邦所瞻又  
通作覲桓弓云我戎也斯沾鄭注沾讀曰覲視也臨  
者說文云臨監臨也大雅皇矣云臨下有赫又雜記  
云臨者入門左鄭註臨視也澁者天官世婦云澁陳  
女官之具秋官大司寇云澁其盟書鄭註澁臨也規  
者春官典瑞云以規聘秋官大行人云殷規以除邦  
國之惡說文云諸侯三年大相聘曰規規視也相者  
說文云相省視也盤庚云相時儉民地官大司徒云

以相民宅鄭註相占視也。註逸書至周王。正義孟  
子引書紹我周王趙岐註以爲願見周王尚書逸篇  
之文也郭氏引作釗我周王所見本異也梅賾所上  
古文武成篇作昭我周王。皆謂察視也。正義釋  
名云視是也察共是非也是視爲察視也。

鞠訥溢盈也

註詩曰降此鞠訥

正義說文云盈滿器也  
墨子經篇云盈莫不有

也鞠者齊風南山云曷又鞠止鄭箋鞠盈也訥者小  
艾鄭箋云謀事者衆訥訥滿庭左氏倍二十八年傳  
云曹人兇懼兇兇衆多之聲也溢者說文云溢器滿  
也孝經云滿而不溢註詩曰至鞠訥。正義小雅節  
南山文毛傳鞠盈訥  
盈也鄭箋盈猶多也

孔嵬哉延虛無之言間也

註

孔穴延嵬虛無皆有間隙

餘未詳

正義

下文云間代也杜註左傳云間隙也孔  
嵬延虛無爲間隙哉之言爲詞之間故說文

云哉言之間也孔者小雅角弓云如酌孔取鄭箋云孔取謂度其所勝多少凡器之孔其量大小不同詩疏引老子云孔德之容唯道是從亦謂器之受實爲孔也魏者釋名云魏月始生魄然也延者杜註左傳云隧延道也虛無者老子云是謂虛牝又云當其無有室之用是皆有間隙也哉者周頌雝云假哉皇考之者臣工云惟暮之春言者有客云薄言追之皆謂詞之間也

瘞幽隱匿竅微也

**註**

微謂逃藏也左傳曰其徒微之

是也

**正義**

說文云微隱行也是幽隱皆爲微也瘞者秋官犬人云伏瘞亦如之鄭司農云瘞謂埋祭

也釋言云瘞幽也詳見釋天幽者困象傳云入於幽谷不明也隱者少儀云隱情以虞匿者左傳疏引舍

人云匿藏之微也盤庚云不匿厥指左氏襄十八年傳云敢匿情乎蔽者月令云無有掩蔽竅者左氏定

四年傳云而君又竅之杜註竅匿也荀子儒效篇惠施鄧析不敢竄其察楊倞註竅匿也**註**微謂至是也

○**正義**衆經音義引舊註云謂迷竄也又微止也左傳曰其徒微之者哀十六年傳文又襄十九年傳云從杼微逆光服虔云微匿也晉語云設微薄而觀之左傳疏引孔晃云微蔽也

訖徽安懷安按普戾底尼定曷遏止也**註**安者坐也

懷者至也按抑普廢皆止住也戾底義見詩傳國語

曰戾久將底孟子曰行或尼之今以逆相止爲遏徽

未詳

**正義**

止也謂有所限而止也說者殺梁僖九年傳云毋訖糶祭統云訖其者欲鄭註訖猶止

也徽者坎上六云係川徽還揚雄解刺云徽以糾纏以徽爲止也安與安義同小雅楚茨云以安以伯懷者王風揚之水云懷哉懷哉鄭箋懷安也安者左氏襄七年傳云吾子其少安又僖二十三年傳云行也懷與安實敗各是以懷安爲不行也按者大雅皇矣云以拔祖旅孟子引作以遏祖荀荀子王制篇儼然

案兵無勅昌氏春秋期賢篇衛以十人者按趙之兵  
高誘註按止也著者楚茨云勿替引之戾者左氏襄  
二十九年傳云乃猶可以戾杜註戾止也底者說文  
云底下也又云止下基也是底與止義相通也上文  
云普戾底止待也是又以相待爲止也底通作祇以  
聲爲義監本底誤作廢今從宋本改正釋文與宋本  
同尼者下文云尼定也通作柅如初六云繫于金柅  
釋文引蜀才作尼止也柅訓爲止與徽同義也定者  
小雅節南山云亂靡有定曷者商頌長發云則莫我  
敢曷漢書引作則莫我敢過過者湯誓云夏王率過  
衆力史記作夏王率止衆力大雅文王云無過爾躬  
公羊莊二十二年傳云季子之過惡也註安者至爲  
過。正義下文云安安坐也故云安者安也上文云  
懷至也至止以聲爲義也按訓爲抑者楚策云王抽  
旃旄而抑兕首是抑爲按也釋言云普廢也以廢爲  
止今俗語猶然戾底義見詩傳者舊疏以爲蓋在齊  
魯韓詩今按小雅采芣云亦是戾矣毛傳戾至也鄭  
箋戾止也至止聲同毛鄭俱本爾雅爲義也底通作

祇何人斯云俾我祇也鄭箋祇安也安亦爲止也國語曰戾久將底者晉語云可以戾也今戾久矣戾久將底韋昭註戾定也底止也孟子曰行或尼之者今本孟子作止或尼之趙岐註尼止也舊疏以爲所見本異或傳寫誤也今以逆相止爲過者孫子云歸師弗過是也監本抑字下衍按也二字今從宋本刪去舊疏云按抑皆廢皆止住也與宋本同

豫射厭也

**註**

詩曰服之無斃豫未詳

**正義**

豫者雜卦傳云豫忘也射者文

選註引韓詩云在此無射薛君云射厭也祭統云奔走無射屈原天問云皆歸射鞠是也又鄭註鄉射禮云豫讀如成周宣榭災之榭是豫讀爲射射通作斃敬訓爲厭以聲爲義也**註**詩曰至無斃。**正義**周南葛覃文說文云敬厭也射敬音義同故書云俾我有周無斃

烈績業也

**註**

謂功業也績勲功也

**註**

謂功勞也

**正義**

名云業

捷也事捷乃有功業也。功攻也。政治之成也。故上文云業事也。下文云功成也。烈績業也。烈者盤庚云其克從先王之烈。表記云后稷天下之爲烈也。鄭註烈業也。績者舜典云三載考績。周語云莫非嘉績。○績勲功也。績又訓爲功者。堯典云庶績咸熙。史記作衆功。皆與穀梁宣十二年傳云績功也。勲者夏官司勲云王功曰勲。說文云勲能成王功也。功以勞定國也。

功績質登平明考就成也

**註**功績皆有成詩曰質爾民

人禮記曰年穀不登穀梁傳曰平者成也事有分明

亦成濟也

**正義**釋名云成盛也功者夏官葉人云乃入功于司弓矢鄭註功成也荀子富國篇

百姓之力待之而後功績者穀梁成五年傳云伯尊其無績乎質者曲禮云疑事毋質少儀云毋身質言語鄭註質成也登者大雅崧高云登是南邢左氏襄元年傳云且不登飯人也平者夏官大司馬以佐王



平邦國鄭註平成也明者隨九四云有孚在道以明  
象曰有孚在道明功也王弼註能幹其事而成其功  
也是明爲成也考者諡法解云考成也春秋隱五年  
考仲子之宮穀梁傳云考者成也雜記云路寢成則  
考之而不鬻許序云斯干考室也無羊考牧也就者  
史記楚世家云就章華臺既夕禮云薦馬纓三就鄭  
註就成也又鄭註天官典絲云采色一成曰就註  
日至成也○**正義**賈爾民人大雅抑文年穀不登曲  
禮文平者成也  
宜四年傳文

楛梗較頰庭道直也

**註**

楛梗較頰皆正直也詩曰既庭

且碩頰道無所屈

**正義**

說文云直正見也楛者緇衣

覺德行毛傳覺直也梗者方言云梗覺也郭氏彼註  
云謂直也較者鄭註天官司裘云鶴之言較較者直  
也所以直已志又大射儀註云鶴之言較較直也頰  
者左氏襄五年傳引詩云周道挺挺杜註挺挺正直

也類通作挺又通作脰曲禮鮮魚曰脰祭鄭註脰直也庭者後漢書註引倉頡篇云廷直也周語云以待不庭不虞之患韋昭註庭直也不庭猶不道也道者孟子云不直則道不見註詩曰至且碩。正義小雅

大田  
文

密康靜也

註

皆安靜也

正義

密靜也已見上文康者大雅生民云不康禮記

豫寧綏康柔安也

註

皆見詩書

正義

說文云安靜也釋名云安晏也晏晏然和

喜無動懼也豫者虞氏易雜卦傳豫怡也寧者說文作寧安也从心在皿上人之飲食器所以安人乾卦云萬國咸寧綏者夏小正云綏多女士綏安也說法解云綏安也康者晉卦云晉康侯諡法解又云康安也柔者內則云柔色以溫之註皆見詩書。正義皆見詩者小雅白駒云逸豫無期斯干云君子攸寧周頌桓云綏萬邦賈誼書禮容語引詩成王不敢康康安也詩疏引某氏曰詩云懷柔百神皆見書者康詩

云無康好逸豫盤庚云茲猶不常寧又云底綏四方  
西伯戡黎云不有康食史記作不有安食舜典云柔  
遠能

平均夷弟易也

**註**

皆謂易直

**正義**

易言其平易也平者

南山云不平謂何均者說文云平徧也地官之屬有  
均人鄭註均猶平也主平土地之力政者又有土均  
註云主平土地之政令者也夷者周頌有咨云降福  
孔夷說文作徺云行平易也弟者大雅泂酌云豈弟  
君子表記引詩而釋之曰弟以說安之

矢弛也

**註**

弛放弛易也

**註**

相延易

**正義**

矢訓爲弛者大

孔子閒居篇引作弛其文德鄭註弛施也詩釋文引  
毛傳定本作矢弛也孔氏正義本作文施也弛訓爲  
易者小雅何人斯云我心易也釋文引韓詩作我心  
施也是易爲和易之易也樂記云庶民弛政鄭註弛

政去其糾時苛政是易爲彖易之易也坊記云君子弛其親之過鄭註弛猶棄忘也是易爲易去之易也古音順協義相貫通後世字別爲聲辭別爲義古音既昧於古義多所窒矣註相延易。正義大雅皇矣

云施于孫子鄭箋施猶易也延也郭註本鄭箋

**希寡鮮罕也**

註

罕亦希也

**鮮寡也**

註

謂少

正義

鹿典云

辭傳云吉人之辭寡盤庚云鮮以不浮于天時希寡鮮俱訓爲罕義之常行者耳鮮又訓寡轉相訓也註

罕亦希也。正義鄭風太叔于田云叔發罕忘毛傳罕希也公羊桓六年傳云蓋以罕書也何休註罕希

也少儀云罕見日問各鄭註罕希也是郭註所本也

**酬酢侑報也**

註

此通謂相報答不主于飲酒

正義

此言相報答也

酬者說文云醕主人進客也或作酬酢者說文云醕容酌主人也特牲饋食禮云尸以醕主人鄭註醕報

也古文醋作酢是醋酢古今字也廣韻引倉頡篇云  
主答客曰酬客報主曰酢鄉飲酒禮云賓實爵主人  
之席前東南面酢主人又云主人實解酬賓小雅瓠  
葉云酌言酢之又云酌言醕之毛傳酢報也醕道飲  
也鄭箋報者賓既卒爵洗而酌主人也主人既卒酢  
爵又酌自飲卒爵復酌進賓猶俗之勸酒孔疏以爲  
鄭據鄉飲酒燕禮而言也侑者特牲饋食禮云尸三  
飯告飽祝侑鄭註云侑勸也或曰又勸之使又食少  
牢饋食禮侑辭曰皇尸未實侑也小雅楚茨云以妥  
以侑毛傳侑勸也鄭箋爲其嫌不飽祝以主人之辭  
勸之孔疏云已飲食而後勸之亦是重報之義是酬  
酢侑皆爲飲食之禮和報也註此通至飲酒。正義  
郭以經傳義有假借不專主飲酒而言舊疏引繫辭  
傳云可與酬酢楚茨云萬壽攸酢公食大夫禮云公  
受大夫束帛以侑是也士冠禮云  
主人酬賓束帛僂皮皆其證也

毗劉暴樂也

註

謂樹木葉欽落蔭疏暴樂見詩瓊茅弗

離也

**註**

謂草木之叢茸弱者也。弗離卽彌離。彌離猶

蒙龍耳孫叔然字別爲義失矣。

**正義**此釋草木疎密之異名也。毗劉暴

樂也。

說文云毗緣廢也。釋文引樊光本作庇云。陰

也。按庇陰也。釋言文與暴樂之義無涉。作毗者是也。

詩疏引爾雅作毗。毗劉燥燥也。又引舍人云。毗劉燥燥

之意也。木枝葉稀疎不均爲燥燥。覲髮弗離也。

說文云覲小見也。引爾雅曰覲髮弗離。案覲髮弗離

皆雙聲。凡雙聲之字義存乎聲。**註**謂樹至見詩。**正**

**義**郭氏本舍人爲義云。見詩者大雅桑柔云。將采其

劉毛傳。劉燥燥而希也。鄭箋云。及已將采之時則葉

燥燥而疎。謂草至失矣。**正義**郭云草木之叢茸

弱。荀猶孫子云。葭葦山林弱者也。弗離卽彌離者。彌

離又轉作毗。離王風中谷有雅云。有女吡離。又云。彌

離卽蒙龍者。蒙龍又轉作厖茸。左氏僖五年傳云。狐

裘危茸。後世彌離轉作迷離。又轉作靡麗。蒙龍轉作

蒙戎。又轉作葱龍。皆語之遞轉。郭氏舉類以曉人也。

郭以字別爲義爲失者連舉之字不當分析取義亦舉以例其餘也

蠱詔貳疑也

**註**

蠱惑有貳心者皆疑也左傳曰天命不

詔

**正義**

說文云疑未定也是疑卽惑也蠱者左氏哀

修飭以蠱世皆言惑也又惑疾爲蠱宣八年傳云晉

晉克有蠱疾昭元年傳云疾如蠱是也詔者昭二十

六年傳云天道不詔不貳其行貳者大雅大明云無

楨翰儀榦也

**註**

詩曰維周之翰儀表亦體榦

**正義**

說文

榦木也左氏宣十一年傳云平板榦是榦爲板築之

具也榦者說文云榦剛木也費誓云時乃榦榦史記

集解引馬融云榦榦皆築具榦在前榦在兩旁書疏

引舍人云榦正也築牆所立兩木也榦者成二年傳

云棺有翰檜杜註翰旁飾舍人云翰所以常牆兩邊障土者也儀者說文作檜云幹也史記項羽本紀檜其船以待若今小船兩頭植篙猶築牆之幹矣註詩日至體幹。正義維周之翰大雅崧高文又文王云維周之楨小雅桑扈云之屏之翰皆言幹也儀所以行禮左氏成十三年傳云禮身之幹也襄三十年傳云禮國之幹也

**弼棗輔比備也**註書曰天威棗忱易曰比輔也備猶輔

也正義說文云備輔也弼者上文云重也又訓爲備義相成也通作邶說文云邶輔信也書曰邶成五

服又通作佛周頌敬之云佛時仔肩邶箋佛輔也棗者洛誥云公功棗廼篤以棗爲輔也輔者洛誥言四輔大戴禮記千乘篇國有四輔尚書大傳云古者天子有四輔臣前曰疑右曰丞左曰輔後曰弼越語云憎輔遠弼韋昭註相道爲輔矯過爲弼是輔弼皆言相備也比者說文云比密也大雅皇矣云克順克比



左傳昭二十八年傳釋此詩云擇善而從之曰比註  
書曰至輔也。**正義**天威秉枕康誥文比輔也比卦

象傳

疆界邊衛圉陞也註疆場境界邊旁營衛守圉皆在外

陞也左傳曰聊以固吾圉也

**正義**說文云陞遠邊也疆者說文云疆界也小

雅信南山云我疆我理毛傳疆畫經界也穀梁昭二

年傳云疆之爲言猶竟也界者說文云晰竟也孟子

云不以封疆之界邊者左氏昭十一年傳云五大不

在邊漢書武紀引逸詩云親省邊陲衛者大司馬九

畿之籍采畿之外方五百里曰衛畿又史記五帝紀

黃帝始制營衛說文云衛行列衛也圉者大雅召旻

云我居圉卒荒左傳疏引舍人云圉邊陲也詩疏引

舍人云圉拒邊陲也孫炎云圉國之四陲也註左傳

至圉也。**正義**  
隱十一年傳文

昌敵彊應丁當也

**註**

書曰禹拜昌言彊者好與物相當

值

**正義**

當者相值也昌者說文云昌美言也益稷云

汝亦昌言又云師次昌言敵者謂敵體相當也少

儀云敵者日某固願見又左氏桓八年傳云不當王

非敵也是敵爲相當也上文云敵匹也廣雅云敵儻

當也彊者左氏昭十年傳云彊於陳鮑氏惠棟補註

以爲與陳鮑相當也應者周頌賚云我應受之億十

年傳云應乃懿德丁者大雅雲漢云寧丁我躬劉向

九歎云丁時逢殃後漢書岑彭傳與人頌云我喜我

生獨丁斯時丁當雙聲義存乎聲**註**書曰至昌言

淳肩搖動蠢迪倣厲作也

**註**

淳然興作貌蠢動作公羊

傳曰倣甚也穀梁傳曰始厲樂矣肩見書迪未詳

**正義**

釋言云作爲也說文云作起也淳者左氏莊十一年

傳云其興也淳焉孟子云則苗淳然興之矣肩者上

文云勝也克也又訓爲作義相成也搖者說文云搖動也月令云以搖養氣左氏昭二十三年傳云乃搖心矣動者樂記云動之以四時蠢者方言云蠢作也左氏昭考工記云則春以功鄭註春讀爲蠢蠢作也左氏昭二十四年傳云今王室實蠢蠢焉杜註蠢蠢動授貌迪者微子云詔王子出迪迪訓爲行行卽作也叔者大雅崧高云有叔其城毛傳叔作也厲者臯陶謨云庶明厲翼疏引鄭註云厲作也以衆賢明作輔翼之臣註公羊至見書。正義做甚也公羊隱九年文始厲樂矣穀梁隱五年文肩見書者盤庚云朕不肩好貨鄭註無考監本作齏動作也宋本無也字

茲斯咨皆已此也

**註**

皆已皆方俗異語

**正義**

經傳多以

之也茲者湯誓云夏德若茲考工記嘉量銘云茲器維則斯者檀弓云情在於斯左氏襄三年傳云使臣斯司馬杜註斯此也咨皆與紫音同文選註引春秋元命包云紫之言此也已者臯陶謨云邇可遠在茲

史記作近可遠在已。是已卽茲也。**註**告已至異語。  
**正義**魏封孔美碑云咨可謂命世大聖億載之師表  
者已以咨爲此也。咨與告同。戴震曰：莊子昔已而爲  
知者已而不知其然，皆當訓爲此案。淮南道應訓已  
雖無所除其患害，亦以已爲此也。

嗟咨嗟也

**註**

今河北人云嗟嘆音兔豎。

**正義**

廣韻云嗟  
長歎也。嗟說文

乍著云咨也。釋名云嗟佐也。言之不足，故嗟歎之。咨者堯  
此聲以自在也。詩序云言之不足，故嗟歎之。咨者堯  
典云咨四嶽。史記作嗟。四嶽**註**今河至嗟嘆。**正義**  
文選註引爾雅舊註云嗟楚人發語端也。郭以河北  
人讀嗟音如且，各以方俗語爲證也。釋文引字林以  
嗟爲古嗟字。監本作音兔豎之豎。宋本無之豎二字。  
按郭註方言於豎字音爲詐欺。躋字音爲濟渡。不云  
音詐欺之欺。濟渡之濟者，省文也。之豎二字係後人  
所增。今從宋本。

閑狎串貫習也

**註**

串厭串貫貫快也今俗語皆然

**正義** 玉篇

云習串也閑者鄉射禮註引尚書大傳云閑之者貫之也貫之者習之也大畜九三云日閑與衛釋文引鄭註以爲日習車徒仲尼燕居云故戎事閑也狎者左氏襄四年傳云民狎於野串者大雅皇矣云串夷載路毛傳串習也荀子大畧篇惡民之串以無分得也貫者齊風猗嗟云射則貫兮左氏昭二十六年傳云貫瀆鬼神說文引作損瀆鬼神云損習也又云遺習也釋文作損云本又作貫又作遺同

曩塵佇淹留人也

**註**

塵垢佇企淹滯皆稽久

**正義**

此釋遲久之義

也曩者左氏定八年傳云曩者之難今又難焉對今而言是爲久也塵者大雅柔柔云倉兄填兮毛傳填久也又南有嘉魚鄭箋云烝塵也塵然猶言久如也東山鄭箋云古者聲寘填塵同也佇者邶風燕燕云佇立以泣毛傳佇立久立也淹者左氏成二年傳云無令與師淹於君地儒行云淹之以樂好又通作奄

周頌臣工云奄觀錚艾鄭箋奄久也留者說文云留止也常武云不留不處註應垢至稍久。**正義**書疏引孫炎云塵居之久久則生塵矣郭以爲塵垢義木孫炎釋言云蒸塵也郭亦本孫炎之說以爲塵埃皆望文生義也監本作皆稽久也宋本無也字

逮及暨與也

**註**

公羊傳曰會及暨皆與也逮亦及也

**正義**

與謂相及也逮者旅六五傳云上逮也及者祭義云夫何神明之及交鄭註及與也暨者說文作泉云衆詞與也虞書曰泉咎註公羊至及也。**正義**會及暨皆與也隱元年傳文釋言云逮及也

騰假格陟躋登陞也

**註**

方言曰魯衛之間曰騰梁益曰

格禮記曰天王登遐公羊傳曰躋者何陞也

**正義**陞當作升

騰者洪範云惟天陰騰下民釋文引馬融云騰升也升猶舉也假者商頌烈祖云假假無言格者呂刑云

庶有格命疏引鄭註格登也登命謂壽考者是也陟者說文云陟登也集韻云陟或作騰古字通用舜典云女陟帝位史記作女登帝位夏小正云魚陟負冰陟升也躋者說文云躋登也商書曰告女顛躋躋通作躋顧命云出賓階躋士虞禮記云躋耐爾于皇祖某甫鄭註躋升也又通作齊樂記云地氣上齊鄭註齊讀爲躋升也登者盤庚云乃登進厥民左氏文八年傳云晉侯將登箕鄭父先都註方言至陞也。正義方言云郵各躋登也東齊海岱之間曰躋魯衛曰郵榮益之間曰徂與郭氏所引字句微異禮記曰天王登遐下曲禮文公羊傳曰躋者何升也文二年傳文穀梁傳亦云躋升也

揮盞歇涸竭也

註

月令曰無漉陂池國語曰水涸而成

梁揮振去水亦爲竭歇通語

註

鄭註禮記云竭盡也揮者考工記熯氏云

清其灰而盞之而揮之是揮與盞皆爲澄而去之也蓋通作漉楚策云漉汁灑地方言云漉極也郭氏彼

計云滲漉極盡也敬者左氏宣十二年傳云憂未敬也杜註敬盡也澗者說文云澗澗也渴盡也淮南主術訓不澗澤而漁高誘註澗澤澗池史記封禪書云秋澗漣索隱引字林云澗竭也廣雅云渴盡澗盡也註月令至爲竭正義月令云仲春之月無竭川澤無漉陂池國語曰水涸而成梁者周語單襄公告王之辭揮振去水亦爲竭者左氏僖二十四年傳云旣而揮之孔疏云振去匱中之水故曰揮何承天云振去爲

拒拭刷清也

**註**

振訊技拭掃刷皆所以爲潔清

**正義**

拒者士喪

禮云乃沐櫛拒用巾浴用巾拒用浴衣鄭註拒踰也清也古文拒皆作振賈疏拒猶拭也拭者聘禮云賈人北面坐拭圭鄭註拭清也大戴禮記夔廟篇雍人拭羊鄭註雜記云拭靜也刷者說文云刷刮也版拭也天官凌人云秋刷後鄭云秋涼冰不用可以清除其室



鴻昏於顯間代也

**註**

鴻雁知運代昏主代明明亦代昏

顯卽明也間錯亦相代於義未詳

**正義**

說文云代更也鴻者康誥云乃

洪大誥治鄭本洪作鴻孔疏引鄭註以鴻爲代言周公代成王誥也昏者郊特牲云昏禮不賀人之序也

鄭註序猶代也於者孟子萬章篇引逸書云女共于予治于於字通用言汝其代予治之也趙岐註以爲助我治事助與代義相通也顯者左氏昭十三年傳

云再會而盟以顯昭明言盟以更著其明也間者書疏引孫炎云間厠之代也益稷云笙鏞以間聘禮云皮馬相間周語云新不間舊韋昭註間代也

盭饋饋也

**註**

國語曰其妻盭之

**正義**

說文云饋餉也詩疏引孫炎云盭野之餉

舍人云饋自家之野也說文云盭餉田也詩曰盭彼

南畝餉饋也周人謂餉曰饋小雅甫田云攘其左右

鄭箋攘當爲饋以酒食攘其左右從行者**註**國語至

盭之

**正義**

首語文又小宗伯盭饋于郊鄭註盭饋也

遷運徙也

**註**

今江東通言遷徙

**正義**

說文云遷徙也遷者小

雅伐木云遷于喬木左氏宣十二年傳云遷大國之

跡于鄭杜註遷徙也運者說文云運迻徙也昌氏春

秋論大篇引夏書云天子之德廣運乃神莊子釋

文引向秀云非海不行故曰海運簡文云運徙也

乘拱執也

**註**

兩手持爲拱

**正義**

執謂持也乘者鄭風漆

乘抱拱通作共商頌長發云受小共大共鄭箋共執

**註**

兩手持爲拱

**正義**

孟子云拱把之桐梓趙註

拱合兩手也尚書大傳云七

**註**

日大拱鄭註兩手搯之曰拱

廡熙興也

**註**

書曰庶績咸熙廡見周官

**正義**

釋書云興

云興之言喜也歆也孔疏引爾雅作歆喜興也  
日至周官。正義庶績咸熙堯典文史記作衆功皆  
興廡見周官者春官巾車云飾遣車遂廡之  
行之車僕云廡革車鄭註皆以廡爲興也

衛蹶假嘉也

**註**

詩序曰假樂嘉成王也餘未詳

**正義**上文云嘉

美也衛通作偉莊子大宗師云偉哉造物釋文引向

秀云偉美也淮南覽冥訓云偉哉造化高誘註偉哉

猶美哉蹶者唐風蟋蟀云良士蹶蹶單舉其文亦爲

美詞也假者周頌維天之命云假以溢我說文引作

也。溢我云誠嘉善也假諶聲之轉**註**詩序至王

也。**正義**大雅云假樂君子中庸引作嘉樂君子

廢稅赦舍也

**註**

詩曰召伯所稅舍放置

**正義**舍置也廢

廢置以取其吏鄭註廢猶退也左氏襄二十三年傳

云天之所廢廢又訓爲置公羊宣八年傳云廢其無

聲者左氏文二年傳云廢六關是也稅通作說左氏

昭二十一年傳云說甲于公而歸赦者說文云赦置

也舜典云青災肆赦秋官司刺掌三刺三宥三赦之

灋鄭註赦舍也**註**詩曰至所稅。**正義**召南甘棠文

今本作召伯所說毛傳說

舍也釋文云本或作稅

棲遲慙休苦歟歟咽息也註棲遲遊息也苦勞者宜止

息慙見詩歟歟咽皆氣息貌今東齊呼息爲咽也義正

鄭註樂記云息猶休止也棲遲者詩疏引舍人云棲  
遲行步之息小雅北山云或棲遲偃仰陳風衡門云  
可以棲遲說文作屏遲也慙說文作惛息也大雅民  
勞云訖可小惛是也衆經音義引舍人云慙臥之息  
也休者荀子大畧篇君子息焉小人休焉是休卽息  
也苦訓爲息於經籍無考歟與喟通說文云喟太息  
也禮運云喟然而歎廣韻云歟太息也歟者說文云  
歟臥息也咽者說文引詩曰昆夷咽矣詩疏引某氏  
曰詩云民之攸斲按毛傳云斲息是咽與斲通也註  
慙見至咽也。正義慙見詩者召南甘棠云召伯所  
慙歟歟咽皆氣息貌者郭意以栖遲慙休苦爲止息  
之息歟歟咽爲氣息之息也東齊呼息爲咽者方言  
云咽息也東齊曰咽  
說文亦本方言爲義

供峙共具也

**註**皆謂備具

**正義**具備也供者天官庖人云共祭祀之好羞左氏僖四

年傳云共其資糧屏屨共與供通峙者費誓云峙乃  
糗糧大雅崧高云以峙其糗孔疏云預貯米粟謂之  
備峙峙又通作序周頌臣工云序乃錢鎛毛傳序具  
也文選註引郭舍人云共具物也峙具事也是舍人  
本峙作侍說文云  
侍待也儲侍也

惓憐惠愛也

**註**惓韓鄭語今江東通呼爲憐

**正義**說文云悉惠也

今通作愛惓者說文云惓憊也憊愛也憐者趙策云  
竊愛憐之以憐爲愛古今通語也惠者周語云惠所  
以和民也周頌烈文云惠我無疆**註**惓韓鄭語。**正**  
**義**方言云憊憐愛也韓鄭曰憊汝穎之間曰憐郭註  
本方言易憊爲惓者古者惓憊音義同  
如周原應應韓詩作周原惓惓是也

娠蠢震慙如騷感訛蹶動也

**註**

娠猶震也詩曰憂心且

如無感我慨兮或寢或訛蠢蠢騷蹶皆搖動貌

**正義**

云動作也娠者說文云娠女妊身動也春秋傳曰后  
緡方娠說文所引左氏哀元年傳文也蠢者說文云  
蠢蠢動也鄉飲酒義云春之爲蠢蠢蟲至春而動故  
尚書大傳以春爲動力也上文云蠢作也義相通也  
震者序卦傳云震者動也穀梁文九年傳云震動也  
蹇者小爾雅云而蹇曰蹇上文云震蹇懼也此申釋  
其義也如者方言云人不靜曰如齊宋曰如騷者大  
雅常武云徐方繹騷騷當作極說文云極動也感者  
說文云感動人心也樂記云其感人深說文通作吡王  
風兔爰云尚寐無吡厥者大雅縣云文王蹶厥生鄭  
箋云文王動其縣縣民初生之道**註**娠猶至或訛  
**正義**娠猶震者舊疏引大雅生民云載震載風昭元  
年左傳云邑姜方震大叔是有身爲震也詩曰憂心  
且妯者小雅鼓鍾文無感我慨兮者召南野有死麇  
文或寢或訛者

小雅無羊文

覆察副審也

**註**

覆按察視副長皆所爲審諦

**正義** 說文云案悉也

知案諦也篆文作審覆者孫子云必覆索之漢書盧  
縮傳云上乃令人覆按是也察者說文云察覆審也

秋官鄉士云察其辭鄭註察審也禮器云五獻察鄭  
註察明也故釋訓以明明爲察也賈誼書耳痺篇其

視察言視之審也副者匡繆正俗云副貳之字副字  
不爲副字從衣副聲書史假借遂以副字代之案福

與覆聲相近  
故訓爲審也

契滅殄絕也

**註**

今江東呼刻斷物爲契斷

**正義**

釋名云

截也契者說文云契刻也左氏定九年傳云盡借邑  
人之車欒其軸荀子勸學篇欒而舍之欒契與契通

故釋名云契絕也滅者夏官大司馬云外內亂鳥獸  
行則滅之殄者益稷云用殄厥世史記作用絕其世

**註** 今江至契斷。**正義** 淮南齊俗訓越人契啓  
高誘以爲刻臂呼刻斷物爲契斷今俗語猶然

郡臻仍廼侯乃也

**註**

廼即乃餘未詳

**正義**

古者乃仍二字通用郡通作審

小雅正月云又審陰雨鄭箋審仍也疎者易釋文引京房易云水臻至臻亦仍也故廣雅云仍再也郡臻二字俱從仍取義也仍者春官司凡筵云因事仍几後鄭云故書仍爲乃先鄭云乃讀爲仍是仍乃二字相通也廼者大雅公劉云廼場廼廼侯者小雅四月云侯栗侯梅

迪繇訓道也

**註**

義皆見詩書

**正義**

釋名云道導也所以通導萬物也說文云廼道

也方言云裕猷道也東齊曰裕亦曰猷猷與繇通地官之屬有土訓誦訓各道其土地之事也**義**皆見詩書。**正義**見詩者大雅桑柔云弗求弗迪小雅巧言云秩秩大猷漢書註引作大繇周頌烈文云四方其訓之見書者益稷云迪朕德史記作道吾德君夷云告君乃猷裕我酒誥云聰聽祖考之彛訓

僉咸胥皆也

**註**

東齊曰胥見方言

**正義**

說文云皆俱詞也僉者堯典云僉曰



於縣哉史記作皆曰縣可咸者士冠禮云咸加爾服  
魯語云小賜不成韋昭註咸徧也胥者盤庚云不能  
胥匡以生註東齊至方言。正義方言云僉  
胥皆也自山而東五國之郊曰僉東齊曰胥

育孟耆艾正伯長也

註

育養亦爲長正伯皆官長

正義  
長謂

相長也育者說文引書云教育子鄭註大司樂亦引  
作育子今本舜典作教胄子釋文引馬融云內長也  
孟者康誥云王若曰孟侯耆者曲禮云六十曰耆說  
文云耆老也釋名云六十曰耆耆指也不從力役指  
事使人也艾者曲禮云五十曰艾方言云東齊魯衛  
之間凡尊老謂之艾或謂之艾釋名云五十曰艾艾  
治也治事能斷割芟刈無所疑也正者大雅皇矣云  
其正不獲伯者穀梁隱二年傳云紀子伯莒子而與  
之盟范甯註紀子以莒子爲伯而與之盟伯長也註  
育養至官長。正義下文云育養也鄭風谷風云既  
生既育鄭箋云育謂長也正伯皆官長者衆經音義  
引舍人云伯位之長也天官之屬有官正官伯鄭註

正長也伯長也王制云卒有正州有  
伯逸周書大衆解云立正長以蒐功

艾歷也

**註**

長者多更歷

**正義**

周頌訪落云朕未有艾孔疏以艾爲歷也

歷秭算數也

**註**

歷歷數也今以十億爲秭論語云何足

算也

**正義**

說文云數計也歷者堯典云歷象日月星辰史記作數法日月星辰秭者周頌豐年云萬

億及秭算者少牢饋食禮云爵無算鄭註算數也律

歷志引逸書云先其算命算與撰選義通鄭氏易云

若夫雜物算德註云算數也盤庚云世選爾勞釋文

云選卽算也後漢書註引詩云威儀棣棣不可算也

**註**今以至算也。**正義**說文云數億至萬曰秭徐岳

數術記遺云黃帝爲法數有十等十等者億兆京垓

秭壤谿澗正載也廣韻引風俗通云千生萬萬生億

億生兆兆生京京生垓垓生秭秭生壤壤生谿谿生澗澗生正正生載載地不能載也郭云今以十億爲

秭者據時驗也論語云何足算也憲問篇文鄭註算

數也

歷傳也

**註**

傳近

**正義**

說文云

傳相也

歷訓爲

傳猶下

文

也

也

近也楚詞遠遊云歷太皞以右轉今以歷爲近也左氏傳二十三年傳云昏而傳焉

艾歷覩胥相也

**註**

覩謂相覩也公羊傳曰胥盟者何相

盟也艾歷未詳

**正義**

上文云相覩也此又推言其義也艾歷者方言云裔歷相也裔艾聲

之轉也郊特牲云簡其車徒而歷其卒伍歷爲相闕也覩者說文云覩哀覩也周語云古者太史順時覩

上韋昭註覩覩也覩卽相也胥者大雅縣云聿來胥

字新序作聿來相字賈誼書禮篇引詩云君子樂胥

胥者相也**註**覩謂至盟也**正義**文選註引爾雅云

胥相覩也郭註云脉脉謂相覩貌也與今木字句皆

異春秋桓三年齊侯衛侯胥命于蒲公羊傳云胥命

者何相命也郭氏引作相盟疑傳寫之訛穀梁傳云

胥之爲言  
猶相也

又亂靖神弗湍治也

**註**

論語曰予有亂臣十人湍書序

作汨音同耳神未詳餘見詩書

**正義**

釋名云治值也物皆值其所也又者

志引鴻範云艾治也說文作度治也通作艾漢書五行

治也艾字相亂受治之也書疏引舍人云亂義之治

也靖者周語云自后稷之如基靖民神者小雅信南

山云維禹甸之毛傳甸治也鄭註地官稍人云甸讀

如維禹敷之之敷韓詩甸作敷古者甸陳聲同陳又

轉爲神其義同也說文云倣理也理卽爲治亦以聲

近義同也弗者詩釋文引韓詩云拂弗也弗與拂同

曲禮云進几杖者拂之言整治之也源者文選註引

倉頡篇云灑水通貌源通作屈詩疏引某氏云詩曰

屈此翠醜按魯頌泮水鄭箋云屈治也是據爾雅爲

義也

**註**論語至詩書○**正義**論語曰予有亂臣十人

秦伯篇文盤庚云茲余有亂政顧命云其能而亂四方皆言治也漏書序作汨者書序云帝釐下土方設居方別生分類作汨作案說文云汨治水也周語云決汨九川又云汨越九原韋註以汨爲通也餘見詩書者堯典云有能俾乂史記作有能使治者周頌烈文云日靖四方大雅生民云弗厥豐草弗弗音義同

**頤艾育養也**

**註**

汝頰梁宋之間曰艾方言云

**正義**

皆言長養也頤

者序卦傳云頤者養也說文云養供養也艾者小雅鴛鴦云福祿艾之艾通作乂益稷云萬邦作乂詩疏引鄭註云乂養也育者周頌思文云帝命率育育通作鬻爾風鴟鴞云鬻子之閔斯又省作粥夏小正云粥也者養也秋官修閭氏云與其國粥鄭註粥養也

**註**

汝頰至言云

**正義**

方言云胎養也汝頰梁宋之

問曰胎或曰艾

**沃渾隕墜也**

**註**

沃渾皆水落貌

**正義**

上文云墜落也此又廣其義也沃當作沃

說文云決浙瀾也高誘淮南註云渾轉行貌郭以爲皆水落之貌也墮落也已見上文

**際接熨捷也**

**註**捷謂相接觸也

**正義**捷速也又訓爲接以聲爲義也際者小爾

雅云際裝也左氏昭四年傳云爾未際孟子萬章篇取問交際何心也趙岐註際接也淮南末經訓上際青雲高誘註際接也又通作察小雅苑柳云無白察焉鄭箋察接也接者曾子問云接祭而已矣內則云接以太牢鄭註接讀爲捷捷勝也又鄭註易晉卦亦云接勝也荀子大畧篇先事慮事謂之接楊倞註接讀爲捷捷也熨者說文云熨搯也飛之疾也

**恣神溢慎也**

**註**神未詳餘見詩書

**正義**上文云慎誠也恣者說文云恣慎也

周書口無恣于邱神者魯頌云闕宮有恤鄭箋闕神也又說文云秘神也闕秘恣音義同是神卽恣也溢者詩疏引舍人云溢行之慎也**註**見詩書○**正義**大誥云天闕恣我成功所大雅桑柔云爲謀爲恣詩疏

引某氏曰詩云  
假以溢我慎也

**鬱陶繇喜也**

**註**

孟子曰鬱陶思君禮記曰人喜則斯陶

陶斯詠詠斯猶猶卽繇也古今字耳

**正義**

上文云喜樂也鬱陶者方

言云鬱悠思也晉宋衛魯之間謂之鬱悠郭氏彼註云鬱悠猶鬱陶也禮記疏引何允云陶懷喜未暢意

也繇通作猶大戴禮記文王官人云喜色猶然以出

**註**孟子至斯猶也**正義**孟子曰鬱陶思君萬章篇文禮記曰人喜則斯陶陶斯詠詠斯猶者檀弓文鄭註陶鬱陶也猶當爲指秦人猶搖聲相近

**馘穢獲也**

**註**

今以獲賊耳爲馘獲禾爲穢竝見詩

**正義**

之獲敗獲之獲俱通作獲此合而釋之也漢書引今文武成云乃以庶國祀馘於周廟說文云穢獲刈也

**註**今以至見詩也**正義**今以獲賊耳爲馘者毛傳云不服者殺而獻其左耳曰馘獲禾爲穢者逸周書大

開武解云既秋而不獲維禽其獲之是獲與獲通孔  
題逢以積爲禾之鋪而未束者也竝見詩者大雅皇  
矣云攸馘安安魯頌泮水云在泮  
馘馘小雅大田云此有不斂穧

**阻艱難也**

**註**

皆險難

**正義**

釋名云難憚也人所忌憚也  
阻者說文云阻險也秦風蒹葭云

道阻且長艱說文作艱云土難治也釋名  
云艱根也如物根也士喪禮云無有後艱

**刻矧利也**

**註**

詩曰以我刻矧

**正義**

說文云刻銳利也繫  
傳云周易刻木爲矢禮大

圭刻上削令上銳也案橋頌云曾枝刻棘王逸註刻  
利也矧說文作矧云刀劍刃也籀文作矧通作畧周  
頌載芟云有畧共耜匡繆正俗云問曰俗於礪山出  
刀子謂之略刃有舊義否答曰按爾雅云刻略利也  
張揖古今字詁云古作矧一本作矧未知孰是此則  
礪刀使利故稱略刃耳  
**正義**今小  
雅大田篇作以我單耜單刻聲相近淮南  
汜論訓古者刻耜而耕高誘註刻利也



允任壬佞也

**註**

書曰而難任人允信者佞人似信壬猶

任也

**正義**

說文云佞巧諂高材也允訓爲信又訓爲

反覆相訓也任者書疏引孫炎云似可任之佞也壬者阜陶謨云何畏乎巧言令色孔王史記作何畏乎巧言善色佞人**註**書曰至任也。**正義**舜典云而難任人史記作遠佞人壬猶任者古者壬任字通用賓

之初筵鄭箋云壬任也

佞拚抨使也

**註**

皆謂使令見詩佞拚抨使從也**註**四者

又爲隨從

**正義**

說文云使佞也佞與令通秦風寺人

隨行也使令隨行其義相通故逆釋之也。佞拚抨使也。佞者堯典云有能佞又史記作有能使治者立政云乃佞我有夏拚通作緝班固典引云將緝萬物項岱註拚使也拚通作佞洛誥云佞來以圖。佞

拏并使從也。使令之義卽爲隨從申釋其義也。拏  
或省作井說文云井相從也。**註**見詩。○**正義**周頌載  
見云俾緝熙于純嘏大雅桑柔云井云不選毛傳井  
使也釋文云本或作拏又周頌小毖云莫予井蜂釋  
訓云粵斧擊曳也案說文云飭使也作使也疑井蜂  
當作飭律詩言莫爲予任使者訓爲擊曳猶言左右  
相使於義亦通說文又云俾使也昔聲之轉也

**僕仍因也**

**註**皆謂因緣

**正義**

說文云因就也僕通作襄

融云襄因也又通作攘費誓云無敢寇攘疏引鄭註  
云因其亡失曰攘釋文云樊孫引論語其父攘羊釋  
之作攘註云因來而盜曰攘仍者顧命四言  
仍几明堂位云爵用玉牋仍雕鄭註仍因也

**董督正也**

**註**皆謂御正

**正義**

謂理正也左氏文七年傳  
引夏書云董之用威文六年傳

云董通逃督者春官太祝禁督逆  
祀命者僖十三年傳云謂督不忘

享孝也

**註**

享祀孝道

**正義**

享說文作音从高省日象進

云致孝乎鬼神史記集解  
引馬融註云祭祀豐潔

珍享獻也

**註**

珍物宜獻穀梁傳曰諸侯不享覲

**正義**

文

牲爲舍人云獻珍物曰珍獻食物曰享案聘禮云受  
享束帛加璧秋官大行人云將幣三享是享不專指  
食物而言故荀子大畧篇云享獻也彊國篇云君享  
其成羣臣享其功楊倞註謂受其獻也

覲○**正義** 隱

五年傳文

縱縮亂也

**註**

縱放掣縮皆亂法也

**正義**

縱者放恣也小

縮者說文云縮亂也是木爾雅  
爲義楚語云縮于財用則慝

探篡俘取也

**註**

書曰俘厥寶玉篡者奪取也探者摸取

也

**正義**

探者說文云揆遠取也繫辭傳云探賈索隱

穀梁隱元年傳云已探先君之邪志篡者方言云

自關而西秦晉之間凡取物而逆謂之篡說文云

而奪取曰篡淮南汜論訓云相與篡之法言云鴻飛

冥冥弋者何篡焉宋衷曰篡取也今人計數取物爲

篡俘者說文云俘軍所獲也左氏僖二十二年傳云

示之俘馘疏引李巡云囚敵曰俘伐執之曰取俘本

又作俘說文云俘引取也謙象傳云君子以俘多益

寡虞翻曰俘取也**註**書曰至取也。**正義**書序云夏

師敗績湯遂從之遂代三股俘厥寶玉篡爲奪取者

後漢書註引郭璞註爾雅曰掠奪取也是篡本或作

掠探爲摸取者列子天瑞篇手目所及亡不探也

**徂在存也**

**註**

以徂爲存猶以亂爲治以曩爲鼎以故爲

今此皆詁訓義有反覆旁通美惡不嫌同名

**正義**徂

鄭風出其東門云匪我思且鄭箋云猶匪我思存也  
釋文引爾雅徂存也在者聘禮記云子以君命在寡

君左氏倍九年傳云其在亂乎杜註在存也曾子立  
事篇存往者在來者盧辨註在猶存也註以徂至同  
名。○**正義**上文云徂往也此又訓爲存郭氏以爲義  
有反覆旁通也以亂爲治以故爲今見上文以曩爲  
曩見釋言郭氏舉以爲例凡經傳中反覆相訓者  
可以類推美惡不嫌同名者公羊隱七年傳文

在存省士察也註書曰在璿璣玉衡士師官亦主聽察

存卽在

**正義**上文云察審也在者書疏引舍人云在  
見物之察也文王世子云必在視寒暖之節

鄭註在察也存者禮運云處其所存大傳云五日存  
愛鄭註俱云存察也省者左氏哀十六年傳云鄭人  
省之禮器云禮不可不省也士通作仕小雅南  
云弗問弗仕鄭箋仕察也註書曰至聽察。○**正義**在  
璿璣玉衡舜典文士師官亦主聽察者舜典云女作  
士疏引鄭註云士察也主察獄訟之事秋官之屬有  
士師鄭註

與書註同

烈栱餘也

**註**

晉衛之間曰櫟陳鄭之間曰烈

**正義**

烈者

雅雲漢詩序云宣王承厲王之烈鄭箋烈餘也通作  
烈廣雅云烈餘也栱者書疏引李巡云栱槁木之餘  
也漢書敘傳註引詩云也有三栱劉德云謂木斫  
而復栱生也今毛詩本栱作櫟盤庚云若頤木之有  
由櫟說文作櫟云伐木餘也又轉作肆周南汝墳云  
伐其條肆毛傳肆餘也斫而復生曰肆**註**晉衛至曰  
烈**正義**方言云烈栱餘也陳鄭之間曰栱晉衛之  
間曰烈秦晉之間曰肆或曰烈郭註據方言爲義與

今本  
互異

訝迎也

**註**

公羊傳曰跋者迓跋者

**正義**

說文云訝相迓

訝也訝或作迓案秋官掌訝云凡賓客諸侯有卿訝  
卿有大夫訝大夫有士訝士皆有訝又鄭註訝士云  
訝迎也士官主迎四方賓客聘禮云迓賓于館鄭註  
以君命迎賓謂之訝盤庚云子迓續乃命于天左氏

成十三年傳云逐晉侯于新楚訝逐經傳通用逐又  
 通作御召南鵠巢云百兩御之鄭箋御迎也又通作  
 輅左氏宣二年傳云狂狡輅鄭人杜註輅逐也註公  
 羊至跋者。正義公羊成二年傳云使跋者逐跋者  
 使眇者逐眇者何休  
 註逐迎卿主迎者也

元良首也

**註**

左傳曰狄人歸先軫之元良未聞

**正義**

高

註云首上也元者士冠禮云始加元服鄭註元首也  
 魯頌閟官云建爾元子毛傳元首也良者小雅六月  
 毛傳云元戎先良也是以良為元也左氏昭元年傳  
 云良醫也猶周禮所云上醫也又少儀所謂良綏鄭  
 註以為君綏君即上也註左傳至之元。正義信三  
 十二年傳文又哀十一年傳云公使太史固歸國子  
 之元孟子滕文篇勇士不忘喪其元皆以元  
 為頭也書疏引釋詁云元首首也與郭本異

薦孳臻也

**註**

薦進也孳至也故皆為臻臻至也

**正義**

上

文云臻

至也又臻與仍義同亦見上文薦者坎象傳云水荐  
至釋文引干寶本作水薦至京房本作水臻至是也  
擊者說文云擊至也周書曰大命不斃今西伯戡黎  
篇作大命不擊史記作不至大宗伯云以禽作六擊  
後鄭註擊之言至也

**廣揚績也**

**註**書曰乃廣載歌揚未詳

**正義**說文云績連也古文从庚其是

廣卽績字也又通作庚小雅大東云西有長庚書疏  
引作西有長庚毛傳以廣爲績也揚者益稷云臯陶  
拜手稽首臯言史記作臯陶拜手稽首揚言是臯卽  
揚也曾子立事篇身言之後人揚之  
**正義**益稷文史記作乃更爲歌更亦績也

**祔祿祖也**

**註**祔付也付新死者於祖廟祿毀廟主

**正義**說文

云祖始廟也又云祔後死者合食于先祖也釋名云  
又祭曰祔祭於祖廟以後死孫祔於祖也士虞禮記



云將旦而耐則薦喪服小記云耐必以禭昭穆禭者  
 說文云禭耐禭祖也耐耐付至廟主。正義耐付以  
 聲為義上文云境毀也境禭聲同故以為毀廟主也  
 說文繫傳引郭璞曰禭毀也耐新廟毀舊廟也與今

異本

卽尼也

**註**

卽猶今也尼者近也尸子曰悅尼而來遠尼

定也

**註**

尼者止也止亦定

**正義**

卽訓為尼尼與昵同高宗彤日云無豐于昵以

昵為近也衛風氓云來卽我謀左氏成十三年傳云  
 卽楚謀我皆言近也尼又為定者上文云尼定止  
 也是尼定二字訓同舊疏引舍人云尼者私之定也  
**註**卽猶至來遠。正義書疏引孫炎云卽猶今也尼

者近也郭註本孫炎書釋  
 文引尸子曰云不遠遠昵

適幾暱近也

**註**

暱親近也

**正義**

說文云近附也適者臯陶謨云適可遠在茲適省作

爾少牢饋食禮云佐食爾上敦黍于筵上鄭註爾近也幾者左氏襄二十一年傳云楚不幾十年暱者說文云暱日近也暱或作昵閔元年傳云諸夏親暱疏引舍人云暱成之近也註暱親近也。○**正義**書疏引孫炎云昵親近也文選註引爾雅昵近也孫炎云昵親之近也郭註本孫炎

**安安坐也**

**註**

禮記曰安而后傳命

**正義**

上文云安安坐也此釋安爲安坐義

相承也釋各云坐挫也骨節挂屈也古者坐爲危坐故釋名又云跪危也兩膝隱地體危隍也安則爲安坐大射儀命賓諸公卿大夫公曰以我安賓諸公卿大夫皆對曰諾敢不安又云公以賓及卿大夫皆作乃安是使之安坐也士虞禮云主人及親拜安尸特牲饋食禮云主人拜安尸少牢饋食禮云主人皆拜安尸安尸之禮卽楚茨所謂以妥以侑也註禮記至傳命。○**正義**士相見禮云凡言非對也安而後傳言鄭註安坐也傳言猶出言也此作禮記曰安而後傳命舊疏以爲傳寫誤也或所見本異

貉縮綸也

**註**

綸者繩也謂牽縛縮貉之今俗語亦然

**正義**

釋名云綸理也作之有倫理也貉爲方俗語縮者周

語云縮取備物韋昭註縮引也

**註**

謂牽至亦然

**正義**

淮南傲真訓云以摸蘇牽連物之微眇高誘註摸

蘇看摸索是貉轉爲摸縮轉爲蘇皆言連引之勢郭

引俗語又因摸蘇而轉

貉嘆安定也

**註**

皆靜定見詩

**正義**

上文云貉靜也又訓爲定義相承也貉通作莫

釋文云嘆本亦作莫左氏昭二十八年傳云德正應

和曰莫杜註云莫然清靜安者繫辭傳云君子安其

身而後動**註**見詩**正義**大雅皇矣云猶其德音釋

文引韓詩作莫其德音云莫定也皇矣又云求民之

莫鄭箋求民之定謂所歸就也商頌殷武云寢成孔安

伊維也

**註**

發語辭伊維侯也

**註**

詩曰侯誰在矣互相訓

**正義**此皆屬辭之間字也。解六五云：君子維有解，孔疏：維辭也。士冠禮云：嘉薦伊脯，鄭註：伊維也。賈疏云：助句辭，非爲義也。伊又通作繫，左氏隱元年傳云：繫我，獨無伊維，又爲侯者。大雅下武云：應侯順德。註：發語辭。○**正義**小雅小旻云：伊于胡底。大雅皇矣云：維此王季，皆發語辭。○詩曰：至在矣。○**正義**小雅六月文，又大雅文王。云：侯文王孫子。

**時寔是也**

**註**

公羊傳曰：寔來者何？是來也。

**正義**

時者，湯

喪史記作是日，何時喪無逸云：時，舊勞于外，中論引作是舊勞於外。考工記：嘉量銘云：時文，思索鄭註：時是也。寔者，大雅韓奕云：實塘實壑，鄭箋云：實當作寔。趙魏之東，實寔同聲。寔是也。秦誓云：是能容之，大學作實，能容之。周策云：是攻用兵，高誘註：是實也。寔通作實，古者寔是二字同用。詛楚文云：是戮力同心，以是爲寔也。註：公羊至來也。○**正義**春秋桓六年春正月，寔來，公羊傳云：寔來者何？猶曰：是人來也。穀梁傳

云寔來者  
是來也

卒猷假輟已也

**註**猷假未詳

**正義**鄭註禮記云已止也卒者士冠禮云卒筮書卦

鄭註卒已也左氏襄十九年傳云其爲未卒事於齊故也乎衆經音義引李巡云卒事之已也猷者春秋宣八年壬午猶釋公羊傳云猶者通可以已也又春秋文六年云猶告于廟穀梁傳云猶之爲言可以已也猶猷古通用假者曲禮云天王登假鄭註假已也本或作瑕大雅思齊云烈假不瑕鄭箋瑕已也孔疏以爲釋詁文輟者曲禮云輟朝而顧

求酋在卒就終也

**註**

詩曰嗣先公爾酋矣成就亦終也

其餘未詳

**正義**釋名云終盡也求者地官牛人云共其事牛求牛後鄭云求終也終事也大雅

文王有聲云適求厥寧舊疏引下武云世德作求鄭箋求終也酋與求聲相近在者左氏昭十二年傳云

將何以在哀二十七年傳云多陵人者皆不在皆以  
在爲終也卒者小雅蓼莪云我獨不卒鄭箋卒終也  
昭二十四年傳云其待其卒衆經音義引孫炎云卒  
病之終也就者史記楚世家云韓宣子問叔向日子  
此其濟乎對曰不就宣子曰何爲不就以就爲終也  
**註**詩曰至首矣。**正義**大雅卷阿文今本嗣作似也  
傳似嗣也

崩薨無祿卒殂落殯死也

**註**古者死亡尊卑同稱耳故

尚書堯曰殂落舜曰陟方乃死

**正義**說文云死漸也人所離也釋名云死

人始氣絕曰死死漸也就消漸也大戴禮記四代篇  
云天子死曰崩諸侯曰薨大夫曰不祿庶人曰死鄭  
註曲禮云異死名者爲人葬其無知者若猶不同然  
也自下顛壞曰崩薨顛壞之聲卒終也不祿不終其  
祿死之言漸也精神漸盡也白虎通義云天子稱崩  
何別尊卑異生死也天子曰崩大尊像崩之爲言備

然伏僵天下撫擊失神明黎庶流涕海內悲涼諸侯  
曰薨國失陽薨之言奄也奄然已也大夫曰卒精雇  
終也卒之爲言終於國也士曰不祿不終君之祿祿  
之言消也身消名彰庶人曰死魂魄去亡死之言漸  
精氣窮也釋各云天子曰崩崩壞之形也崩礮聲也  
諸侯曰薨薨壞之聲也士曰不祿不復食祿也大夫  
曰卒言卒竟也祖落祖祥也福社殞落也祖亦往也  
言往去落也壙翳也就壙翳也詩古者至乃死。○**義**  
穀梁隱三年傳云高曰崩厚曰崩尊曰崩天子之崩  
以尊也後世唯不祿與卒有五稱者通典引石渠禮  
議云問人通漢問云記曰君赴於佗國之君曰不祿  
夫人曰寡小君不祿大夫士或言卒死皆不能明載  
聖對曰君死不葬曰不祿既葬曰薨又問尸服卒者  
之上服士曰不祿言卒何也聖又曰夫尸者所以象  
神也其言卒而不言不祿者通貴賤尸之義也通漢  
對曰尸象神也故服其服士曰不祿諱辭也孝子諱  
死曰卒案曲禮云壽考曰卒短折曰不祿鄭註祿謂

有德行任爲大夫士而不爲者老而死從大夫之稱  
少而死從士之稱是不祿與卒非大夫士之定稱也  
郭引堯曰徂落舜曰陟方乃死者據舜典之文書疏  
引李巡云徂落堯死之稱說文云徂往死也白虎通  
義云書言徂落死者各自見義  
堯見惜痛之辭見終各一也



爾雅正義卷第二